

SECONDA SESSIONE URDINARIA DI U 2022
RIUNIONE DI I 24 E 25 NOVEMBRE DI 2022

2EME SESSION EXTRAORDINAIRE DE 2022
REUNION DES 24 ET 25 NOVEMBRE 2022

2022 / O2/069

**REPONSE DE MONSIEUR LE PRESIDENT DU CONSEIL EXECUTIF A LA
QUESTION DEPOSEE PAR MADAME MARIE-CLAUDE BRANCA AU NOM
DU GROUPE CORE IN FRONTE**

Objet : Pour une nécessité de cadrer les programmes d'accession à la propriété

lè di sicuru, aghju da risponde di manera chjara. « A femu qiandu ? » A femu, vi prupongu, prima di e vacanze di Natale, sapete, u prossimu cunsigliu d'amministrazione.

A vostra quistione hè di primura per tutte è tutti, micca solu pè u vostru gruppu, micca solu per l'esecutivu ; hè stata dinù appughjata da a nostra collega Madama Pieri è ci hè a vulintà, micca solu à l'internu di l'Uffiziu Fundariu ma, mi si pare, à u livellu di a nostra Assemblea, di u nostru cunsigliu esecutivu, di fà di 'ssa lotta contr' à a speculazione è di l'accessu à a tarra è à l'alloghju una priorità assoluta. Hè vera chì ci sò parechje urgenze, ma quessa custi mi pare a prima è forse a più impurtante, à u livellu puliticu glubale.

Dunque di sicuru emu da fà issa riunione. Tengu quantunque à rammintà chì, quand'ella tocca direttamente à e scelte di a Cullettività, emu digià messu in ballu (forse ch'ellu si pò migliorà) un quaternu è regule chì permettenu o chì imponenu à e cumune chì volenu benefizià di un aiutu di a Cullettività d'esse in una dimarchja chì sia assicurata à u livellu ghjuridicu. Vogliu rammintà chì emu oghje in u quattru di u regulamentu « Una casa per tutti, una casa per ognunu » a pussibilità d'aiutà, ch'ella sia ind'a custruzione o inde u rinnovu, sin'à 80 % e cumune chì volenu favorizà l'accessu à a proprietà di i residenti, ind'u rispettu di u quattru custituzionale. Chì dinù per tutte e case chì sò tralasciate aiutemu finanziamente e cumune à recuperalle. È chì dunque emu assicuratu u passu di 'ssa parte quì à u livellu ghjuridicu.

Avà, ci vole à fà listessa inde u quattru di l'azione è di l'intervenzione di l'Uffiziu fundariu, ma ùn hè micca tutt'à fattu listessa, perchè custì ùn tocca micca direttamente à noi. Rammentu chì quand'ellu intervene l'Uffiziu, intervene in aiutu per purtà un prugettu chì ferma quellu di a cumuna. Dunque u nostru scopu inde 'ssu quattru quì hè di prupone à e cumune in cor'di l'azione cun elle, ind'u rispettu di e so scelte, d'esse d'accordu per schisà u generu di prublemu chi s'hè pussutu incuntrà, per esempiu di vene à aiutà di manera impurtante un prugramma è chì dopu ùn sia micca abbastanza inquatratu à u livellu ghjuridicu è chì iss' affare custì, à parte da una dimarchja di virtù, sbocchi nant'à spussessi ch'ùn ci convenenu micca.

Dunque ci vole à fà issa riunione, sò pruntu à falla. Sò ch'è vo avete a vulintà, sò ch'è vo avete l'idee à u livellu ghjuridicu. Rammentu dinù chì emu pigliatu issa decisione quandu s'hè trattatu d'aiutà una cumuna ind'una operazione impurtantissima, a cumuna di Munticellu, ind'un locu, a Balagna, induve a speculazione immobiliare face disgrasti maiò è chì dunque vuliamu chì 'ssa operazione fussi veramente esempiaria. Ci eranu dinù i prublemi d'urbanisimu putenziali nant'à i terreni. Ci hè l'affare di a strada nova chì duvia esse fatta è chì duvimu regulà cun tutte e cumune concernate, hè privista dinù una riunione.

Nant'à l'affare di l'inquatramentu ghjuridicu è di a pruposta di l'Uffiziu à e cumune chì ci anu da sullicità d'esse in un quattru ghjuridicu securizatu, femu sta riunione è femu chì à partesi da oghje tutti l'aiuti chì anu da intervene ind'u quattru di i prugrammi di l'Uffiziu Fundariu sianu cocostruiti cù e cumune è permettinu di sbuccà nant'à operazione chì conveninu à a nostra vulintà d'assicurà u passu nant'à u fattu di rinfurzà l'accessu di i Corsi, di i giovani è ancu di quelli chì sò menu giovani, à a pruprietà è à a tarra.

A ringraziavvi !